

1479

12/13

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/02-05-15502-73/19-1
Sarajevo, 23.05.2019. godine

SKUPŠTINA KANTONA SARAJEVO
n/r Elmedin Konaković, predsjedavajući Skupštine Kantona Sarajevo
-ovdje-

PREDMET: *Odgovor na zastupničko pitanje - dostavlja se*

Poštovani,

Zastupnik u Skupštini Kantona Sarajevo **Hamed Aljović** na Sedmoj radnoj sjednici Skupštine Kantona Sarajevo održanoj dana 17.04.2019. godine u okviru tačke dnevnog reda „Poslanička pitanja, inicijative i odgovori“, postavio je zastupničko pitanje:

„ Molim premijera KS, gosp. Edin Forto da mi odgovori da li će Vlada KS i dalje finasirati neregistrovani sindikat osnovnog odgoja i obrazovanja u u Kantonu Sarajevo, budući da smo preko medija informisani kako su isti novčano kažnjeni od strane Inspekcije Porezne uprave Federacije zbog neizvršavanja svojih zakonskih obaveza u vidu neplaćanja poreza državi i neplaćivanja doprinosa uposlenicima“.

Stručna služba Vlade Kantona Sarajevo je aktom 16-01-05-15502-73/19 od 16.05.2019. godine Ministarstvu za obrazovanje, nauku i mlade dostavila navedeno pitanje uvaženog zastupnika Hameda Aljovića sa zahtjevom da Ministarstvo pripremi odgovor na postavljeno zastupničko pitanje i isti dostavi u Službu za skupštinske poslove Kantona Sarajevo, te jedan primjerak dostavi Stručnoj službi Vlade Kantona Sarajevo.

Imajući u vidu navedeno Ministarstvo za obrazovanje, nauku i mlade Kantona Sarajevo je pripremio odgovor na navedeno pitanje kako sljedi:

- U odnosu na tvrdnje uvaženog zastupnika Hameda Aljovića „...da li će Vlada KS i dalje finasirati neregistrirani sindikat“ ukazujemo da je Ministarstvo za rad, socijalnu politiku, raseljena lica i izbjeglice, kao nadležni organ za utvrđivanje reprezentativnosti sindikata, donijelo je Rješenje, broj: 13/0-34-25915 od 08.11.2016. godine, kojim se utvrđuje




web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



reprezentativnost Samostalnog sindikata osnovnog obrazovanja i odgoja Federacije Bosne i Hercegovine, Kantonalni odbor Kantona Sarajevo, za djelatnosti osnovnog i predškolskog obrazovanja i odgoja na području Kantona Sarajevo.

- Kolektivni ugovor za djelatnost predškolskog odgoja i osnovnog odgoja i obrazovanja u Kantonu Sarajevo, potpisan je između socijalnih partnera, Vlade Kantona Sarajevo kao predstavnika poslodavca i Samostalnog sindikata osnovnog obrazovanja i odgoja u FBiH-Kantonalni odbor Kantona Sarajevo kao predstavnika radnika, u januaru 2018. godine i isti je objavljen u "Službenim novinama Kantona Sarajevo", broj: 4/18.
- Članom 140. Kolektivnog ugovora definisano je izdvajanje sredstava za podršku u radu sindikalnih povjerenika u ustanovama, *priznaje se 4 radna sata sedmično za obavljanje njegove funkcije na teret poslodavca.*
Članom 145. Kolektivnog ugovora data je mogućnost profesionalnog angažovanja na određenim funkcijama članovima SSOiO, kao i način plaćanja.
- Kolektivni ugovor za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo broj: 4/18) je zaključen na određeno vrijeme i traje do 31.08.2020. godine.
- Na osnovu gore navedenog Ministarstvo za obrazovanje, nauku i mlade nije ugovorna strana, ali možemo konstatovati da je Sporazum o prioritetima skupštinske većine u Kantonu Sarajevo u mandatu 2018-2022 kao prioritetnu mjeru definisao „Obavezno ispunjavanje obaveza iz kolektivnih ugovora prema sindikatima osnovnog, srednjeg i visokog obrazovanja“.
- Tvrdnja uvaženog zastupnika „ **kako su isti novčano kažnjeni od strane Inspekcije Porezne uprave Federacije zbog neizvršavanja svojih zakonskih obaveza u vidu neplaćanja poreza državi i neplaćivanja doprinosa uposlenicima**“ ukazuje da je navedeni sindikat ipak registrovan jer izmirivati poreske obaveze državi i obračunavati i vršiti uplate obaveznih doprinosa za radnike mogu izvršavati samo registrirani subjekti.

S poštovanjem,



Dostaviti:
1.naslovu;
2.a/a.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

